

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-236-4/23**

Datum: **22.06.2023. godine**

„Agencija za vodno područje rijeke Save“ Sarajevo rješavajući po zahtjevu Investitora „RUDNICI GIPSA“ D.D. Donji Vakuf za donošenje rješenja o vodnoj dozvoli za ispuštanje oborinskih, onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za eksploataciju mineralne sirovine-krečnjaka, postrojenja za separaciju kamenog agregata, postrojenja za proizvodnju svježeg betona i postrojenja za proizvodnju betonskih elemenata, izgrađenog u naselju Prusac, općina Donji Vakuf na osnovu člana 139. stav (1) tačka 10. Zakona o vodama („Službene novine Federacije BiH“, broj 70/06) i člana 200. Zakona o upravnome postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola „RUDNICI GIPSA“ D.D. Donji Vakuf za ispuštanje oborinskih, onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa koji se sastoji od PK-kamenoloma „PRUSAC“ koji se koristi za eksploataciju mineralne sirovine-krečnjaka, postrojenja za separaciju kamenog agregata, postrojenja za proizvodnju svježeg betona i postrojenja za proizvodnju šljako betonskih elemenata, a lociran je na k.č. broj: 2188, 2926, 3072, 3076, 3077, 3078, 3190, 3268, 3269, 3270, 3271, 3275, 3276, 3277 i 3591 K.O. Prusac I, općina Donji VAKUF ukupne površine 5,08 ha s prelomnim točkama:

Točka	Y	X
A	4 884 400	6 449 550
B	4 884 400	6 449 970
C	4 884 230	6 450 050
D	4 884 140	6 449 960
E	4 884 050	6 449 970
F	4 884 980	6 449 940
G	4 884 890	6 449 915
H	4 884 890	6 449 550

2. Ova vodna dozvola se odnosi isključivo na ispuštanje otpadnih voda sa lokacije definirane tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za zahvaćanje vode i ispuštanje sanitarnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Kantona Središnja Bosna u skladu sa članom 139. stav 2. tačka 1. i 2. Zakona o vodama („Službene novine Federacije BiH“ broj 70/06).
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na predmetnom lokalitetu i pod slijedećim uvjetima:
 - 3.1 Da korisnik izgrađenih objekata, strojeva i instalirane opreme koji se koriste za eksploataciju, separaciju, skladištenje i distribuciju krečnjaka, proizvodnju svježeg betona i

- šljakobetonских elemenata, održava u funkcionalnom stanju i koristi u skladu sa njihovom namjenom i uvjetima iz ove vodne dozvole.
- 3.2 Da se sukladno projektно tehničkoj dokumentaciji „Glavni projekt instalacija vodovoda i kanalizacije“ oznake 01-15-27-V/17 iz 5/17 i „Glavni projekt instalacija vodovoda i kanalizacije-aneks“, oznake 01-15-33-IV/20 IZ 4/2020, izrađene od „ZAGREBINSPEKT“ d.o.o. Mostar, u toku važenja ovog Rješenja, izgrade svi objekti i ugrade postrojenja za prikupljanje, prečišćavanjem i ispuštanja otpadnih voda koje nastaju na predmetnom lokalitetu i objektu (tehnološke onečišćene vode nastale u procesu otprašivanja, pranja rudarskih strojeva i opreme, postrojenja za proizvodnju betona i šljakobetonских elemenata, sanitarno-fekalne i oborinske onečišćene vode) u definirani recipijent, a sve u skladu s Uredbom o uvjetima ispuštanja otpadnih voda u okoliš i sustave javne kanalizacije („Službene novine Federacije BiH“ broj 26/20 i 96/20).
- 3.3 Ukoliko Vlada kantona propiše dodatne (strožije) uvjete za ispuštanjem oborinskih, onečišćenih voda u površinske vode, od uvjeta definiranih Uredbom o uvjetima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
- 3.4 Da korisnik navedenih objekata za vrijeme trajanja ove dozvole, osigura da se otpadne vode iz kamenoloma u kome se vrši površinska eksploatacija mineralne sirovine – krečnjaka, postrojenja za proizvodnju betona kao i postrojenja za proizvodnju šljakobetonских elemenata nesmetano sakupljaju i odvođe do objekata predviđenih za tretman otpadnih voda-sustava taložnika nakon čega će se prečišćena vodom jednim dijelom, sustavom recirkulacije ponovo koristiti u procesu proizvodnje a istaloženi materijal koristiti kao sirovina za izradu tampona ili u druge svrhe a ostala, prečišćena voda preko taložnika ispuštati u definirani recipijent.
- 3.5 Izgraditi objekte (sukladno dostavljenoj projektно tehničkoj dokumentaciji) čija je svrha odvođenje i prečišćavanje onečišćenih voda (taložnici, slivnici i rešetke, kanalizacijska mreža) i nakon ugradnje iste treba redovno održavati i koristiti na način koji će osigurati njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda može vršiti isključivo firma ovlaštena za tu vrstu djelatnosti, prema posebnom ugovoru.
- 3.6 Čišćenje svih strojeva vršiti isključivo na betonskoj podlozi s izvedenim sustavom odvodnje prema taložnicima odnosno uređajima za tretman otpadnih voda.
- 3.7 Da se sa opasnim i štetnim materijama postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed prosipanja istih.
- 3.8 Osigurati priručna sredstva za brzu intervenciju u slučaju nekontroliranog istjecanja nafte i naftnih derivata na površinama po kojima se kreću strojevi i vozila na SUS pogon kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 3.9 Talog iz taložnika se ne smije ni privremeno odlagati na česticu „vodno dobro“, odnosno u vodotoke i na njegove obale.
- 3.10 U cjelokupnom kompleksu kamenoloma , postrojenja za proizvodnju betona i postrojenja za proizvodnju šljakobetonских elemenata, zabranjuje se pretakanje, skladištenje nafte i naftnih derivata u bilo kom obliku i namjeni sve dok se ne ispune uvjeti iz točke 3.5 ovog Rješenja, sukladno dokumentaciji iz točke 3.2 ovog Rješenja.
- 3.11 Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).

- 3.12 Da se za sve izgrađene objekte koji će biti definirani projektnom dokumentacijom iz točke 3.2., ovog Rješenja, od nadležnih institucija ishodi upotrebna dozvola.
4. Vlasnik, odnosno korisnik objekta je obavezan voditi propisane evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
 5. U periodu važenja ove dozvole, „RUDNICI GIPSA“ D.D. Donji Vakuf je dužan provoditi sve mjere i aktivnosti propisane istom.
 6. U slučaju izvanrednih situacija, nekontroliranih onečišćenja i drugih sličnih okolnosti, čime bi bio ugrožen kvaliteta podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete trećim licima nadoknaditi.
 7. U periodu važenja ove dozvole, „RUDNICI GIPSA“ D.D. Donji Vakuf je dužan je ishoditi upotrebnu dozvolu za predmetni kamenolom.
 8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog postrojenja obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.

O b r a z l o ž e n j e

Investitor, „RUDNICI GIPSA“ D.D. Donji Vakuf obratio se ovoj Agenciji sa zahtjevom za ispuštanje oborinskih, onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa koji se sastoji od PK-kamenoloma „PRUSAC“ koji se koristi za eksploataciju mineralne sirovine-krečnjaka, postrojenja za separaciju kamenog agregata, postrojenja za proizvodnju svježeg betona i postrojenja za proizvodnju šljako betonskih elemenata, izgrađenog u naselju Prusac, općina Donji Vakuf.

Uz zahtjev je dostavljena slijedeća dokumentacija:

- Rješenje o registraciji br. 051-0-RegZ-22-001208 od 25.08.2022.god. izdano od općinskog suda u Travniku;
- Ovjerena kopija uvjerenja o poreznoj registraciji za „RUDNICI GIPSA“d.d. Donji Vakuf , izdano od strane Porezne uprave – Kantonalni ured Novi Travnik od 16.10.2002.;
- Ovjerena kopija rješenja o registraciji/upisu u Jedinstveni registar obveznika indirektnih poreza broj: 04/I-17-1-UPJR/1-1783-1/15 od 18.03.2015. godine za „RUDNICI GIPSA“d.d. Donji Vakuf, izdano od strane Uprave za indirektno-neizravno oporezivanje Banja Luka;
- Rješenje kojim se odobrava eksploatacija mineralne sirovine-krečnjaka s kamenoloma „PRUSAC“ br: 09-18-1922/99 od 16.08.1999.god izdano od Federalnog ministarstva energije, rudarstva i industrije,
- Urbanistička suglasnost br. 07-23/02-832/03 od 13.08.2003.god. izdana od Općinske službe za stambeno komunalne djelatnosti općine Donji Vakuf;

- Izvještaj o monitoringu otpadnih voda izrađen od TQM d.o.o. Lukavac , oznake G-1/1 iz 4/22;
- Vodna dozvola br. UPI-06-21-12563/22 od 18.04.2023.god., izdana od Ministarstva poljoprivrede, vodoprivrede i šumarstva Kantona Središnja Bosna;
- Ugovor o zbrinjavanju emulzionih ulja, rabljenog ulja, zauljenih krpa i zauljenog otpada sklopljen s Delta Petrol d.o.o. Kakanj od 01.06.2022.god. ;
- Ugovor o pružanju usluga sklopljen s JKP „GRADINA“ d.o.o. Donji Vakuf br.01-06-117/23 od 01.06.2023.god.;
- „Glavni projekt instalacija vodovoda i kanalizacije“ oznake 01-15-27-V/17 iz 5/17 izrađen od „ZAGREBINSPEKT“ d.o.o. Mostar;
- „Glavni projekt instalacija vodovoda i kanalizacije-aneks“, oznake 01-15-33-IV/20 IZ 4/2020 , izrađene od „ZAGREBINSPEKT“ d.o.o. Mostar
- Uplatnice administrativne takse i
- Uplatnica po zaključku o posebnim troškovima.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19 ,41/20 i 63/22), izvršen je uviđaj na terenu i tom prilikom sačinjen Zapisnik broj: UP-1/21-3-40-236-3/23 od 20.06.2023. na kome je konstatirano sljedeće:

PK-kamenoloma "PRUSAC" koji se koristi za eksploataciju mineralne sirovine-krečnjaka, postrojenja za separaciju kamenog agregata, postrojenja za proizvodnju svježeg betona i postrojenja za proizvodnju šljako betonskih elemenata a lociran je na k.č. broj: 2188, 2926, 3072, 3076, 3077, 3078, 3190, 3268, 3269, 3270, 3271, 3275, 3276, 3277 i 3591 K.O. Prusac I, općina Donji VAKUF ukupne površine 5,08 ha s prelomnim točkama danih u točki 1. ovog rješenja.

Vodoopskrba se vrši s gradskog vodovoda i za potrebe kamenoloma postavljeno je brojilo potrošnje vode a povremeno se količine potrebne vode osiguravaju dovozom cisterni za vodu. Vodoopskrba se koristi za tehnološki proces proizvodnje betona, proizvodnju blokova, sanitarne potrebe, povremeno održavanje strojeva i skidanje prašine.

Sve tehnološke vode koje su rezultat održavanja –čišćenja rudarskih strojeva, obaranja prašine se razlivaju preko manipulativne površine do drenažnog kanala i taložnika koji upušta takve vode u okolni teren, koji je u vlasništvu podnosioca zahtjeva i prema tehničkoj dokumentaciji mogu da izvrše prihvata bez degradiranja terena i štetnog uticaja na površinske i podzemne vode.

Za potencijalno zauljene vode, projektno tehničkom dokumentacijom, predviđeno je asfaltiranje podloge i sustav odvodnje prema separatoru ulja i masti.

Izvještaji o monitoringu otpadnih voda TQM d.o.o. Lukavac, oznake G-1/1 iz 4/22, ukazuje da su svi rezultati na mjernim mjestima zadovoljavaju parametre propisane Uredbom o uvjetima ispuštanja otpadnih voda u okoliš i sustave javne kanalizacije („Službene novine Federacije BiH“ broj 26/20 i 96/20).

Za cjelokupni kompleks izrađena je projektno tehnička dokumentacija od ovlaštenog poduzeća „Glavni projekt instalacija vodovoda i kanalizacije“ oznake 01-15-27-V/17 iz 5/17 i „Glavni projekt instalacija vodovoda i kanalizacije-aneks“, oznake 01-15-33-IV/20 IZ 4/2020, izrađene od „ZAGREBINSPEKT“ d.o.o. Mostar.

Predmetni kompleks nije pozicioniran u vodnom dobru.

Na osnovu provedenog postupka konstatira se da je podnosilac zahtjeva „RUDNICI GIPSA“ D.D. Donji Vakuf, ispunio minimum uvjeta za izdavanje vodne dozvole za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada proizvodnog kompleksa , odnosno sa premetne lokacije, te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Marko Barić, dipl.ing.grad.

Po ovlaštenju
Rukovodilac sektora za izdavanje vodnih akata


Haris Alisehović, dipl.ing.grad

Dostaviti:

- „RUDNICI GIPSA” D.D. Donji Vakuf, ul. 770 SBB, Donji Vakuf.
- AVP Sava, ISV-vodna knjiga
- Sektor 40 – arhiva
- Sektor 50
- Oglasna ploča AVP Sava